



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Consultationes Theologicæ Et Spirituales Christiani verè fidelis & verè devoti ...**

... De Excellentissimæ Sanctissimæ Virginis Mariæ Matris Dei

**Louis François <d'Argentan>**

**Augustæ Vindel. ; Dilingæ, 1726**

**VD18 80217915**

§. 1. Regula notatu dignissima sanctorum Patrum.

**urn:nbn:de:hbz:466:1-45581**

cum illa principium esse sui Humani? Hæc est prima consideratio, quæ longissimè abducat te, si volueris ipsi penficulatiùs inhzere;

quidquid enim magni & eximij imaginari tibi poteris, semper minus erit, quam id, quod is illi dedit.

## §. I.

## Regula notatu dignissima Sanctorum Patrum.

Ipsa plus amoris habet erga JESUM Christum quam omnes simul sancti.

**E**CCE tibi secundam considerationem. Est regula universalis recepta communiter à Sanctis Patribus, & insuper conformis omni sana rationi, quod omnia privilegia, omnes gratiæ, omnes prærogatiuæ, omnesque perfectiones, quibus DEUS locupletare voluit aliquem ex sanctis, qui non nisi sunt Servi ipsius, non solum negatæ non fuerint Sanctissimæ ipsius Matri, quam solam plus amat omnibus suis servis simul; sed quod verissimum sit ipsum illum his magis locupletasse, & consequenter illatum gratiarum longè plus ipsi dedisse, quam illis omnibus. Quæ enim verissimilitudo, quod talis Filius non locupletaverit amabilissimam Matrem suam super omnes servos suos?

Jam videmus, ipsum tam liberalem fuisse erga plures Sanctos, dando illis purissimum hoc aurum, ignem divini sui amoris, ut toti astuaverint & arserint ex illo: Non cogitabant ipsi, nisi de illo; non aspirabant, nisi ad illum; non respirabant nisi illum; & videbatur ipsis, illum animabus suis esse, quod aer est pulmonibus, ad ipsos re-

frigerandos; *Te magis, quam aërem spiro;* uti dicebat magnus quidam Sanctus, scribens ad alterum intimum amicum suum: Et tandem non vivebant nisi per ipsum & pro ipso. Quoties Seraphicus Pater meus, Sanctus Franciscus totas exegit noctes, accensus & ardens velut Seraphim, elatus è terrâ usque ad apicem altissimarum arborum in sylvis, nec aliud in contemplatione poterat dicere, quam pauca hæc verba, quæ eundem reperebat: *DEUS meus & omnia: DEUS meus & omnia: DEUS meus & omnia.*

Sanctus Franciscus Xaverius, totus de nocte aliquid capere quietis, utpote toto die fatigatus laboribus Apostolatus sui, patiebatur etiam durante somno amabilem tyrannidem, quam inferebat ipsi amor Dei sui: Sæpius enim evigilans, seque totum igne hoc cælesti sentiens accensum exclamabat, ad mitigandum pœnam suam: *O JESU bone! O Creator optimo! Combure, combure, ignis divinæ, consume totam victimam.*

Et quot alij, quorum nonnulli

Amor plus  
made.

madefacta linteamina compulsi sunt suis imponere peccatoribus (a-  
liās in suffocationis se videbant  
periculo constitutos) ut hac ratio-  
ne refrigerarent illa? Alij coacti  
sunt implorare clementiam. Quid  
igitur intendis, o Sancte Amor?  
An meam haud nōsti infirmita-  
tem? Mitiga tuam paulisper ve-  
hementiam: Cessa vel saltem ad  
modicum tempera ardores tuos;  
vel meam tolle vitam & permitte  
memori.

Noveram sanctam quandam Re-  
ligiosam, cujus Nomen Mater  
Agnes de Spiritu Sancto, Prioris-  
sam Monialium Carentanæ in Nor-  
maniæ, patvæ cujusdam Civitatis,  
ubi nonnisi hoc unum extat Mo-  
nasterium. Vidi ipsam tolerare  
ultra duos annos dolores alicujus  
infirmitatis, quam Medici judica-  
bant febrem esse hecticam, eoque  
illius aliqua adessent indicia, quam-  
vis ipsius non pateretur sympto-  
mata; sed non agnoscebant infir-  
mitatem ipsius: Non enim erat  
nisi excessus quidam amoris DEI,  
ex quo languebat continuo. Mo-  
riebatur ipsa quasi præ fastidio, quod  
non posset amare DEUM, quan-  
tū cognoscebat ipsum amabi-  
lem; tolerabat dolorem nunquam  
intermissum; quod tolerare satis  
non posset pro amore ipsius, vi-  
dens, quod tantum tolerasset ipse  
pro se. Ad mitigandum paulisper  
dolorem suum, macerabat se auste-  
ritatibus, & moriebat præ tædio,

quod non videret DEUM sibi unice  
dilectum, cujusque desiderio con-  
flagrabat ardentissimo. Eheu! in-  
quirebat sæpissimè; quando igitur  
videbo te? Dies mihi videntur an-  
ni, & anni mihi videntur sæcula:  
O si scire adhuc possem meorum  
finem dolorum? sed horum nihil  
scio: Eheu! an durabunt semper?  
An igitur non videbo unquam,  
quod amo? Et propterea nullā ex  
te capiebat voluptatem; omnia  
fereula ipsi erant fastidia; lacrymæ  
ipsius erant ipsi panes die ac nocte,  
dum non cessabat interrogare ani-  
mam suam: Ubi est igitur, quem  
amas, DEUS? an nunquam vide-  
bis ipsum? In hac amoris sui ve-  
herementiā non vivebat, sed langue-  
bat jugiter: Et expertissimi Medi-  
ci non agnoscebant ipsius infirmi-  
tatem.

Ego, qui illius noveram causam,  
eoque mihi apertis omnia ar-  
cana cordis sui, adnitebar consolari  
ipsam, quoties accedebam ipsam  
invisum. Erat pretiosus pro ipsa  
liquor, loqui ipsi de amore suo.  
Quando dicebam ipsi, esse nobis  
inlignem prærogativam, amandi  
DEUM in terris, eodem amore,  
quo amant ipsum Beati in cœlis,  
exultabat præ gaudio; sed quando  
videbat, se cum illis non esse, ut  
amaret ipsum in illorum societate  
solvebatur in lacrymas. Tandem  
hæc amoris infirmitas, quæ non so-  
lūm durabat semper, sed indies  
augebatur, subripuit eam lotorum  
Yyyy 3 ipsius

ipsius manibus, quæ velut propriam vitam suam adamabant ipsam, ipsique lacrymantibus oculis dicebant: Mater nostra, miserere nostri, neque relinque nos orphanas: postula à DEO, ut permittat nos: frui adhuc paulisper præsentia tuâ: Chacissimæ sorores meæ, respondebat illis, nolite tenere me; Ego dissolvor, & illuc vado, quod jam dudum mea me trahebant desideria. Amor sacer, qui affecerat ipsam tantis, tamque diuturnis languoribus, eripuit illam è terris, quasi in flore juventutis ipsius.

Ago gratias DEO, quod hujus me fecerit spectatorem Exempli, ex quo jam sapius hauri profectum; & ut meam confundam ignaviam, meosque exstimulam languores, servo adhuc aliquas ip-

sius Epistolas pro devotione meâ. Fætor vehementiam amoris in magnâ hâc animâ fuisse mirabilem. Nihilominus quid erant hæc omnia, nisi glacies & frigora, in comparationem adducta cum ardoribus ignis hujus sacri, & amoris supernaturalis, qui principabatur velut amorum omnium Rex in corde Matris admirabilis, Virginis Sanctissimæ? siquidem cum rationabiliter dubitari non possit, quin Chacissimus ipsius Filius majoribus compleverit ipsam favoribus, quam omnes fideles suos famulos ac famulas, certum igitur erit, quod dicit S. Bonaventura: *Beatam Virginem plus amare, quam ceteros sanctos simul.* Quis dicere potest, quousque hic se amor extendat.

§. II.

*Sanctissima Virgo ipsamet declarat magnitudinem amoris sui in sacris Canticis.*

**A**udi, quâ ratione ipsamet loquatur tibi in sacro Epithalamio: *In lectulo meo per noctes quaesivi, quem diligit anima mea.* Totas noctes quaesivi dilectum meum in lecto meo, frustra quaesivi ipsum hic; & quia non inveni illum, surrexi, & quaesivi ipsum per totam civitatem; non est platea nec vicus, ubi non quaesiverim dilectum meum; quaesivi ubique, & nullibi inveni ipsam. Vigiles, qui custodiebant civitatem, invenerunt

me: Num, quem diligit anima mea, vidistis? sed cum paululum pertransissem eos, inveni tandem dilectum cordis mei, & gavisâ est anima mea.

An videtis ipsius sollicitudinem! non desinit ipsum quaerere, nil sibi concedit quietis, quoad inveniat ipsum: An aspicitis ipsius labores, quibus oneratur ab amore suo? deserit quietem & solitudinem suam, se vix dat de nocte, totam percurrit civitatem, exponit omnis gene-

Sanctissima Virgo exprimit magnitudinem sui amoris in sacris Canticis.

S. Bonaventura in spec. Virg. cap. 6.